



Bentiaraq Ottosen  
Atassut

UKA 2023/37  
10. oktober 2023

**Kalaallit Nunaanni eqqartuussisarnermik inatsisip allangortinneqarnera pillugu inatsisissatut siunnersuutip (Inatsisit unioqqutinneqarneranni pinerluttoqarsimaneramik paasiniaanermut ilaatillugu politiit inunnik sunniiniartartunik atuinerat il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut**  
(Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

### **Siullermeenera**

Atassummiit Naalakkersuisut Inatsisartut aalajangiiffigisassaattut siunnersuut pillugu imaattumik oqaaseqassaagut.

Kalaallit Nunaanni eqqartuussisarnermik inatsisip allangortinneqarnera pillugu inatsisissatut siunnersuutip akuersissutigineqarnissaa inassutigaarput. Pisariaqarluinnarpoq inatsimmik taamatut ittumik Kalaallit Nunaat peqalernissaa, uani pineqartut eqqarsaatigalugit ikiaroomartumik eqqussuineq ukiuni kingullerni nunatsinni annertusiartuinnartillugu akiorneqarnissaanik suliniartoqarnissaa pingaaruteqarluinnarpoq.

Nunat immikkoortuini attaveqaasersuutitigut soorlu mittarfiit, imaatigut angallannikkullu periuserineqartartut eqqarsaatigalugit malitsigisaanik aamma pinerluttulerinermut inatsisit sukateriffigineqarnissaat pingaaruteqarluinnartut ilagaat, tamanna inatsisissatut siunnersuut saqqummiuneqartoq pillugu iluarisimaarinnippugut. Tamakkua eqqarsaatigalugit aamma eqqumaffigeqqarput kinguaasiutitigut kanngutsaatuliortarnerup annertuumik akiorniarneqarnissaanut inatsisit sukaterneqarnissaat aamma pineqaatissiinermut inatsit sakkortunerpaanngorlugu annertussusilerneqarnissaa pingaartutut isigaarput.

Taamatut oqaaseqarluta Atassummiit una aalijangiiffigisassatut siunnersuut taparserparput.